

**Anspiel Nr.2 – Einführung der 10 Werte**

geschrieben von Sabine Jäggi

**Darum geht es:** Die **10 neu formulierten Werte von KIDS TREFF** werden eingeführt und veranschaulicht. Sie dienen wie Bojen zur Orientierung für einen guten Kurs auf Ziel „Insel“!  
Unmittelbar vorher wird durch Anspiel Nr. 1 die **Vision** eingeführt!  
(=Insel, auf die wir mit dem KIDS TREFF zusteuern wollen).

**Idee des Anspiels:** Ein KIDS TREFF Teamleiter als Kapitän an Rednerpult mit Steuerrad, steuert das KIDS TREFF Boot voran. Bojen (=Werte) weisen den Weg (pro Boje Person im Publikum mit Helm mit Wert-Buchstabe und Logo).  
Kapitän erspäht die Logos auf den Bojen und sagt jeweils ein paar Stichworte zum Wert, bzw. liest in seinem „Nautischen JahrTAUSENDbuch“ (Bibel) Verse zu den Werten nach (werden durch Stimme aus dem „Off“ gelesen.) Werte dazu auf PPT-Folie einblenden.

Alltagsrelevant  
Bibelzentriert  
Creativ  
Dienen - Gott und den Menschen  
Engagiert  
Freude und Fun  
Gabenorientiert  
Hier bist du sicher  
In Beziehung  
Kinderfokussiert

**Material:**

- 10 Helme (Kletterhelme von Cevi Alpin), Werte (Buchstabe mit Logo) laminiert mit PET-Flaschenhals und Klammer montiert, die präparierten Helme liegen in Plastiksäcken versteckt unter Stühlen verteilt. Infozettel darauf: „Bitte noch nicht öffnen. Wird im Lauf des Vormittags auf Ansage verwendet.“
- Kapitän: Mütze, Schiffssteuerrad, Fernrohr, Bibel = ist für den Kapitän wie das „Nautische JahrTAUSENDbuch“. (Das Nautische Jahrbuch ist das amtliche Handbuch für die astronomische Navigation in der deutschen Hochseeschifffahrt.)
- PPT mit den Werten (Buchstabe mit Logo, Stichwort daneben)

**Personen:**

- Kapitän
- eine Stimme aus dem „Off“ (jemand liest mit Mikrophon die Texte aus der Bibel vor = Bibelverse zu den Werten, inkl. Versangaben)
- Lotse (mit Megaphon od. Trichter): Tritt in Aktion mit Regieanweisung zum Montieren und Beachten der Bojen.

**Anspiel:**

*Der Kapitän steht am Rednerpult (=Kommandobrücke), ausgerüstet mit Steuerrad, Fernrohr, Bibel.*

Kapitän: „**KIDS TREFF 10 ahoi!**“ – Insle, mir chöme! Die Vision motiviert üs total! Der Kurs isch klar, mir hei üses Ziel vor Ouge! Machet euch gfasst uf ne Fahrt mit em Turbo-Luftchüssi-Schnällboot! Sit dir alli bereit? (*zeigt auf Leute im Saal*) Ahoi, mir stäche in See!

Mir chönnte doch d Chind z.B. druf vorbereite, dass sie gueti Astronautinne und Höhleforscher wärde! Berühmt, rych und yflussrich! Das brucht üses Land! Und de sueche mir üs gschidi Lexika vo schlaue Wüesseschaftler und psychologische Ratgäber. Jede Sunntig mache mir e drüstündigi Vorläsig mit abschliessendem Test. Wär nid besteit, für dä git's Sanktion: Deckschrubbe, Rostchlopfe - oder Verbannig. Ha, das git e tolli Reis! Und ds Guete isch, ig bi hie der Chef und cha allne befähle!

Was isch de das, uf z Mal chunnt Näbel uf. (*schaut durch Fernrohr*) Ig gseh d Insle fasch nümme. Nei, wo isch üse Kurs zum Ziel?

Lotse: Herr Kapitän, bitte beachtet d Boje! Sie zeige euch und euem Schiff der Wäg zum Ziel!

(*Zum Publikum*): Lueget bitte unter eui Stüehl. Wär dert e Plastiksack mit emne Infozettel findet, nimmt dä itz bitte füre und „montiert die Boje“, wo drinne parat isch. Und wenn dir merket, dass eui Boje a der Reihe isch, so bitteni euch, für die nächschi Fahrstrecki ufzstah und ds Bojeschild nach allne Site z zeige. Danke für eues Mitmache!

Kapitän: (*mit Fernrohr*): Ah, was isch das, **AAA** – e Boje! „**Alltagsrelevant**“.

Söll das heisse, es söll zum Alltag vo de Chind passe, dert achnüpfe und zeige, dass Gottes Wort für sie gschriben isch und e Bezug het zu ihrem Läbe?!

Hmm, also vilech doch kei Astronaute-Usbildig?

Kapitän: Oh, da isch ja scho die nächschi Boje!

**B – „Bibelzentriert“!**

Aha! Üsi Theme im KIDS TREFF sölle bibelzentriert si! Es isch wichtig, dass die biblische Gschichte im Mittelpunkt vo der Verkündigung stöh!

Mal luege, ich ha da mis Nautische Jahrbuech – besser gseit: ds Nautische JahrTUUSIGbuech. Cha mir das no gnaueri Agabe derzue Gä? (*schaut in Bibel nach*)

Stimme: Matthäus 7,24: „Wer meine Worte hört und danach handelt, der ist klug. Man kann ihn mit einem Mann vergleichen, der sein Haus auf felsigen Grund baut.“

Psalm 119,105: „Dein Wort ist wie ein Licht in der Nacht, das meinen Weg erleuchtet.“

Kapitän: B – Bibelzentriert. Das isch ja wie ne Lüchtboje! Üse Kurs wird wieder viel klarer! Gott sei Dank!  
Da isch ja scho die nächschi Boje in Sicht!

Kapitän: **C – „Creativ“:** Ja, ideerych söll üses Plenum u d Chlygruppezeit si! Mir wei müglichscht viel Sinne aspräche! So cool, dass üsi Kids Ouge und Ohre, Händ u Füess, e Chopf und es Härz hei! So kreativ het Gott sie gschaffe, und so vielsitig chan är zu ihne rede!

Stimme: 1. Mose 1,31a: „Und Gott sah an alles, was er gemacht hatte, und siehe, es war sehr gut.“

Kapitän: ... sehr guet, sehr guet! Üse Gott isch so guet! Ja, ihm wei mir ...

**„D – Dienen“.** Gott und de Mönsche sölle und wei mir diene.

Hmm, glychzeitig leite und diene, das isch en Useforderig. Ahoi, Kapitän (nimmt seine Mütze ab), da hani gloub no öppis z lehre! Jesus het's üs vorgmacht und der Heilig Geist git üs d Chraft derzue. Sicher cha mir o da ds Nautische JahrTUUSIGbuech hälfe:

Stimme: Matthäus 20,26b-28: „Wer unter euch gross werden will, soll den anderen dienen; wer unter euch der Erste sein will, soll zum Dienst an den anderen bereit sein. Denn auch der Menschensohn ist nicht gekommen, um sich dienen zu lassen, sondern um zu dienen und sein Leben als Lösegeld für viele hinzugeben.“

Kapitän: (*Ehrfürchtig, betend*) Danke, Herr! (*setzt Mütze wieder auf*) - Schiff ahoi! Nächsti Boje!

**E – „Engagiert“** ... hmm, was bedütet ächt das?

Stimme: Psalm 90,16-17: „Zeige uns, wie wunderbar du handelst, und lass unsere Kinder deine Herrlichkeit sehen. Der Herr, unser Gott, schaue freundlich auf uns und lasse unsere Arbeit gelingen. Ja, lass unsere Arbeit gelingen!“

Kapitän: So sölls si! Wüll üse Gott Grosses cha würke, motiviert das Leiter und Eltere, ihres Beschte für d Chind z gäh ...

Stimme: Kolosser 3,23: „Alles, was ihr tut, tut von Herzen, als etwas, das ihr für den Herrn tut und nicht für Menschen.“

Kapitän: „... und nicht für Menschen“. Ja, zu sinere Ehr. (*betend*) Herr, hilf üs, vo Härze mit dir underwägs z'sy, uf di z luege und so mit em KIDS TREFF uf d Insl zuestüüre.

Das isch ja viiiiiel meh als Chindhüete! Hey, das Abetüür begeischeret mi immer meh!

Kapitän: **F – „Freude und Fun“** – ja genau, das isch cool, dass das ou grad e Boje isch, wo üs hilft zum Ziel z cho! Wo Freud isch, da sprudle d Ideene. So cha Gottes frohi Botschaft loufe. Fun und Spass darf si. Nimmt mi doch wunder, öb im Nautische JahrTUUSIG-buech vo andere Reisende gschriben isch, und was ihne underwägs Freud gmacht het...

Stimme: Psalm 73,28: „Aber das ist meine Freude, dass ich mich zu Gott halte und meine Zuversicht setze auf Gott, den HERRN, dass ich verkündige all dein Tun.“

Nehemia 12,43: „(...) und sie waren fröhlich, denn Gott hatte ihnen eine grosse Freude gemacht, so dass sich auch Frauen und Kinder freuten, und man hörte die Freude Jerusalems schon von ferne.“

Kapitän: Das muess ja es Freudefescht gsy si!

Aber ehrlech gseit, mängisch isch es als Kapitän nid immer luschtig und nid so eifach.

Da chunnt zum Bispiel morn e neue Matros a Bord. Ig weiss noni rächt, wo me ihn uf üsem

Schiff am Beschte cha bruuche. I wirde ihm halt äüä irgend es Jöbli gäh, wo mir de grad i Sinn chunnt. Oder am Poschte bi de Rettigsboot fählt mir e Maa. Der Schiffschoch sött zwar dert ushälfe, aber irgendwie begriffst är nid, für was die Rettigsboot da si. Immer wieder louft är dervo, für sini Suppe z würze.

Es chunnt mir vor, wie wenn mir e grossi Klippe sötte umschiffe, aber i gseh nid, wo's düregeit. *(schaut durchs Fernrohr)*

Oh, e Boje! **G – „Gabenorientiert“**.

Was söll das bedüte? Cha mir ächt mis Nautische JahrTUUSIGbuech Uskunft gä?

Stimme: 1. Petrus 4,10-11: „Dient einander mit den Fähigkeiten, die Gott euch geschenkt hat - jeder und jede mit der eigenen, besonderen Gabe! Dann seid ihr gute Verwalter der vielfältigen Gnade Gottes. (...) Alles, was ihr tut, soll durch Jesus Christus zur Ehre Gottes geschehen. (...)“

Kapitän: Ah, das hilft mir die Klippe z umschiffe. Stimmt, zäme chöme mir viel besser vorah, jede mit däm won är guet cha. Und scho geits witer! I gseh scho die nächschte zwo Boje uftouche. Näh mir zersch die:

**H – „Hier bist du sicher“!** A dere Boje gseh ni no drü Stichwort derbi: Körperlich, Emotional, Geistlich. Oh ja, wenn üs d Eltere ihri Chind für so ne grossi Fahrt avertroue, wei mir alles dra setze, dass sie hie sicher si!

Stimme: Psalm 1,3: „Er ist wie ein Baum, der nah am Wasser steht, der Frucht trägt jedes Jahr, und dessen Blätter nie verwelken. Was er sich vornimmt, das gelingt.“

Kapitän: Wow, wenn wir bi üs dür so nes sichers Klima chöi biträge, dass d Chind chöi wachse i ihrem Gloube, das wünsch mir!

Und die anderi Boje schwümmt nach bi „G – Gabenorientiert“ und „H – Hier bist du sicher“. Was steit da druffe? Muess gnau häreluege:

**„I - In Beziehung“**.

Het ächt das o mit däm z tüe, woni vori für üsi Schiffsmannschaft gmerkt ha? Zäme geit's besser. Isch ja super, wenn das o d Chind scho früeh chöi lehre!

In Beziehig mittenand wei mir entdecke, was Gott üs schänkt und mitenand ihm nachefolge. Das het sicher mit de Chligruppe z tüe. Aber o mit üsne Beziehige zu den Eltere, zu andere Lüt ir Gmeind... Wenn i dra danke, was ig uf früechere Seefahrte scho mit mine Kamerade erläbt und mit ihne glehrt ha ... das wird i nie vergässe!

Stimme: 1. Thessalonicher 2,8: „Aus Liebe zu euch waren wir nicht nur dazu bereit, euch Gottes rettende Botschaft zu verkünden, sondern auch uns selbst, unser ganzes Leben mit euch zu teilen. So sehr hatten wir euch lieb gewonnen.“

Kapitän: Si mir no uf Kurs? Da schwümmt ja e Boje ume, wo mir scho es paar mal ufgfalle isch: Itz muessi doch mal gnauer häreluege: **„K – Kinderfokussiert“**.

Isch ja klar, ahoi! – oder doch nid so klar? Da muess i mit mire Mannschaft wiedermal drüber nachedänke, was das für üses Programm heisst. Chinderfokussiert, für die Chlynere und Grössere, für d Buebe und de Meitli, für die Lute und die Stillere... Wie het eigentlech Jesus d Chind agluegt? *(schaut in Bibel nach)*

Stimme: Matthäus 19,14-15: „Da wurden Kinder zu ihm gebracht, damit er die Hände auf sie legte und betete. Die Jünger aber fuhren sie an. Aber Jesus sprach: Lasset die Kinder und wehret ihnen nicht, zu mir zu kommen; denn solchen gehört das Himmelreich. Und er legte die Hände auf sie und zog von dort weiter.“

Kapitän: Wow, das isch ou ganz e wichtigi Boje!

Übrigens: E Gheimtipp für Matrose u Kapitäne isch das Buechli mit de 10 Wärte, üsne Boje! - Fründe, mir chöme üsem Ziel necher! Insle in Sicht! **„KIDS TREFF 10 ahoi!“**